

生者遂毛死物爾有者今生在間者樂乎有名
默然居而賢良爲者飲酒而醉泣爲爾尙不如來

〔本朝續文粹十一〕酒讚

孝言朝臣

米泉遺味、杜康濫觴、香舍晚桂、釀落秋桑、眼界花發、旰家葉張、騰騰乘興、携入醉鄉、

〔酒茶論〕春晝闌然而四無人聲、唯花片染眼、鳥聲湍耳而已、當此時空谷有聲、二客跴然而來、一人者花間開筵而飲酒不喫茶、一人者松邊下榻而喫茶不飲酒、兩人相對、春遊移刻、問其姓名、花間開筵者曰、吾無姓名、自號忘憂君、松邊下榻者曰、自號滌煩子、於茲忘憂君謂滌煩子曰、此中不可容俗談、汝須論茶德、吾乃論酒之德、滌煩子曰、止止、不可論矣、汝酒何類吾茶、汝酒者世尊在世時、娑竭陀醉臥吐泣、衣鉢縱橫、以彼因緣制飲酒、又一鬼問目連言、我頑無所知、何罪所致、答言、汝爲人時、強勸人酒、令其顛倒、又曰、酒有三十六失、人飲酒皆犯三十六失、故世尊深戒之、然而失天下亡身者酒也、忘憂君怒曰、汝饒舌如鸚鵡、叫煎茶不恐人、汝纔知小而不知大、世尊曰、酒者甘露良藥、又波斯匿王末利夫人犯飲酒、世尊曰、如此犯戒得大功德、又曰、菩薩以酒施人於佛無過、又四天王有天漿名爲花酒、又阿修羅以四大海爲酒、而飲之猶不足、阿修羅此翻云無酒、上自四天王下至阿修羅界、悉用酒、如來藏中、酒之德惟夥、未聞有茶德、亦復六經不載茶、○中忘憂君曰、吾酒者、第七祖婆須密、手執酒器、與六祖彌遮迦問答、婆須密從是得大法器的相承而至今日、又曇橘州者蜀英也、性器酒、諸方謂之酒曇、或芭蕉泉禪師以杖荷大酒瓢往來山中、馬祖有浮和尙、黃檗有瞳酒糟漢、或曹山白家酒、猶未霑唇、青峯蒲萄酒、飲者方知且又晉陶醉酒漢常愛酒而無一點俗、繼呼爲第一達磨、抑又僧家號般若湯、專用之、汝前道失天下亡身者酒也、此事如何、滌煩子曰、桀紂兩王酣飲而果失天下、羲和二氏沈湎而竟亡其身、豈虛言乎哉、忘憂君曰、不然、昔堯帝累千觴、則其仁傳萬古、孔子傾百蓋、則其德溢四海、儀狄作酒、禹王飲之、杜康造酒、武帝歌曰、何以解我憂、唯有杜康酒、高宗中興殷夢以得麴孽也、又以清爲聖、以濁爲賢、則聖賢道亦